

ՅՐԶԱՐԵՐԱԿՆ ԿՈՆԴԱԿ ԵԿԵՂԵՑԱԿՆ ԿԱՆՈՒԱԾՆԵՐ ՎԵՐԱԴԱՐՁՆԵԼՈՒ ԵՒ ԴՊՐՈՑՆԵՐ ԲԱՆԱԼՈՒ ՄԱՍԻՆ

Մկրտիչ ծառայ Յիսուսի Քրիստոսի եւ անահասանելի կամօքն Ս.սուծոյ եպիսկոպոսապէս եւ Կաթողիկոս ամենայն հայոց ծայրագոյն պատրիարք նամագգական նախամեծար Ա.բոռոյ Ա.բարասեան առաքելական Մայր եկեղեցւոյ սրբոյ կաթողիկէ էջմիածնի:

Սիրելեաց Մերոց և օրհնեալ հարազատից Մայր Եթողոյս համայնից հայազանց, Շնորհազարդ Եղբօր Մերում Դիտապետի Տանն Կիլիկիոյ՝ Տ. Սահակ Ա. կաթողիկոսի, Ըմենապատիւ սրբազան պատրիարքաց Ս. Երուսաղէմի և Կ. Պօլսոյ՝ Տ. Յարութիւն և Տ. Սաղաքիա Երբեպիսկոպոսաց, զերաշնորհեպիսկոպոսաց, հոգեշնորհ փոխանորդաց, բարեշնորհ վանահարց և վարդապետաց, արժանապատիւ աւագ երիցանց, սրբանուէր քահանայից, մաքրակենցաղ կուսանաց, շնորհունակ սարկաւագաց, դպրաց և ամենայն ուխտի մանկանց եկեղեցւոյ, պերճաշուք իշխանաւորաց, զերազնիւ աստիճանաւորաց, տոհմային ազնուականաց, պատուելի վաճառականաց, մեծապատիւ հոգաբարձուաց, յարգելի երեսփոխանաց, մեծարելի ուսուցչաց և ուսուցչուհեաց, ժրաջան երիտասարդաց, վաստակասէր արհեստաւորաց, քրտնաջան մշակաց և երկրագործաց, պարկեշտասուն տիկնանց և օրիորդաց և ամենայն

չափու հասակի ի Քրիստոս հաւատացելոց, արանց և կանանց, ծերոց և տղայոց, որք ծնեալ և սնեալ կայք ի ծոց կաթուղիկէ Եկեղեցւոյ Հայաստանեայց, ողջոյն և օրհնութիւն յԵթուակալէն Ս. Հօրն մերոյ Գրիգորի Լուսաւորչի՝ բազմասցի ի ձեզ: Ողորմութիւն աստուածային, խաղաղութիւն փրկչին և շնորհ Ս. Հոգւոյն եղիցի ի վերայ համայնիցդ: Ամէն:

Ողջոյն Քեզ, եկեղեցի Հայոց, նորոգեալ և զարդարեալ, քանդի ի Քեզ ծագեաց վերստին շողն աստուածային և վերացաւ ի Քէն քօղն սգոյն: Ողջոյն Քեզ, տառապեալ ժողովուրդ Հայոց, որ տօնես այսօր զտօն նաւակատեաց և ցնծութեան Սօրն Քո Եկեղեցւոյ՝ ի շնորհս Մեծի Հովանաւորին Քո և Ամենաբարեպաշտ կայսերն ամենայն Ռուսաց Նիկողայոսի Բ-ի: Ողորմութիւն աստուածային տառածեցաւ այսօր ի վերայ Քո յետ տառապանաց վերջին ամաց փառազարդեցաւ եկեղեցին և մխիթարեցար դու լիապէս, ժողովուրդ Հայոց: Եւ ես նորոգեալ ծերութեամբ իմով՝ խնդակից փառաց իմոյ եկեղեցւոյ և ուրախակից հարազատիցդ իմոց՝ սիրելեաց, ողջունեմ քեզ վասն մեծի շնորհացն կայսերականի և շնորհաւորեմ զտօն ցնծութեան Քո: Օրհնեալ է Աստուած, որ խնայեաց յեկեղեցի Միածնի Որդւոյ իւրոյ և ի սգաւոր ժողովուրդ նորա, ցնծացէք ընդ սաղմոսերգութիւն և ասացէք. «Տէր ի զօրութեան քում ուրախ եղիցի թաղաւորն, ի փրկութեան քում ցնծացէ յոյժ»: Այլ և հանապազոր-

դեմ՝ զիմ նուազն առ Աստուած իմ՝ «զոհացայց զքէն»։ Տէր, բոլորով սրտիւ իմով, պատմեցից զամենայն սքանչելիս քո ուրախ եղէց և ցնծացայց ի քեզ, սաղմոս ասացից անուան քում, բարձրեալ»։

Տառապանք քո և նեղութիւնք, զոր կրեցեր յանձին առ ի պաշտպանութիւն սեփական իրաւանց եկեղեցւոյ քո սրբոյ, ընդունելի եղեն յաչս Ամենակալ Տեառն զօրութեանց, որ շարժեաց զսիրտ և զգութ արդարադատ թագաւորին Մերոյ, զի սիրտ թագաւորաց ի ձեռս Աստուծոյ, և Վղորմած Կայսրն Մեր վերադարձոյց եկեղեցւոյ մերում զգարաւոր արտօնութիւնս նորա և շնորհեաց նմա զհոգ դաստիարակութեան զաւակաց քոց։ Երգ՝ որ արժանացար վերստին մեծի վստահութեան կայսերականի և շնորհաց՝ յետ բաւական նեղսակրութեանց և տօնես այսօր զտօն նաւակատեաց եկեղեցւոյ, յուշ լիցին քեզ աւուրք տառապանաց քոց, յուշ լիցին քեզ աւուրք սգոյ քո, և դու ուխտեա՛ առաջի Աստուծոյ սիրել յաւէտ և պաշտել զհարազատ Մայրն քո զսուրբ եկեղեցին Հայաստանեայց, ուխտեա՛ սիրել զեղբայրն քո, զհարազատն և զհամազգին, կալ մնալ սիրով խաղաղութեամբ և համերաշխութեամբ ընդ միմեանս։

Իսկ ես՝ ի մոռտս արեւու իմոյ՝ աղօթեմ և աղաչեմ զՄիածին Բանն Աստուած, զի հաստատուն և յարատեւ պահեսցէ զՏաճարն իւր սուրբ զՄայր Աթոռն Հայաստանեայց, աղօ-

Թեմի զի շնորհեսցէ Տէր կեանս երկարս և ան-
 փորձս Մեծի Թագաւորին մերում և Վայսերն
 ամենայն Ռուսաց Նիկողայոսի Ի-ի որ բանիւ
 Տրամանի իւրոյ եբարձ զքօղն սգոյ և տառա-
 պանաց եկեղեցոյս և ժողովրդեանս: Չեռն
 Տեառն ընկալցի զնա և բազուկ Մենակալին
 զօրացուցէ զՆա: Դու ևս մաղթեա՛ ի բոլոր
 սրտէ՛, զի Տէր զօրութեանց լիցի ընդ նմա ի
 տուէ և ի գիշերի՛ պահելով զՆորին Մեծու-
 թիւն առողջ և անփորձ հանդերձ ժառանգօք
 և արքայազն հարազատօք: Եւ օրհնեսցէ Տէր
 զՉեզ զամենեսեանսդ երկնային օրհնութեամբ
 ի տրիտուր ջանից Չերոց և վաստակոց՝ զոր
 վաստակեցայք և աշխատ եղէք բանիւ և գրով
 աղերսանօք և աղաչանօք շարժել զսիրտ Մեծի
 Միապետին խնայել յեկեղեցի և ի մանկունս
 նորա: Տացէ Տէր ամենեցունցդ վարձս ըստ
 վաստակոց Չերոց՝ աճեցուցանելով և բազմա-
 ցուցանելով զՉեզ և զզաւակունս Չեր և պա-
 հեսցէ զՉեզ աննկուն հոգւով՝ սուրբ սրտիւ՝
 հաստատուն հաւատով՝ միաբան սիրով և հա-
 մերաշխ գործունէութեամբ ընդ հովանեաւ մօրն
 լուսոյ Ս. Եջմիածնի ի փառս Մատուածութեան
 իւրոյ: Ամէն:

Ի վերայ իսկականին ստորագրել է

Մկրտիչ Կարաւղիկոս ամենայն Հայոց.

Տուաւ կոնդակս շնորհաւորական յամի շնորհաց փրկչին
 1905. յեօթներորդում աւուր ամսհանն օգոստոսի և ըստ Տու-
 մարիս մերում ՌԵՅԴ և Հայրապետութեան մերոյ ԺԲ. ամի:

Թ. 664.

Ի ք. Տփլիս.